

P R O L O G.

Til venefesten i ungdomslaget "Vårliv", Isdalstö, laurdag 22/4. 1950.

1.

So steingrå og livlaust ligg snaudfjell og bö ein vinterdag innunder jol-.
Slik låg og vår heimbygd, frå heid og til sjö, og lengta mot varme og söl:
Folket var fanga og blinda av verdi. Burt frå den levande kjelda gjekk ferdi,
fylgde dei verdslege vanar og vis.
Dalen var fager, men frosen til is!

2.

Dei stræva i heim og fabrikk, og med jord, og glöymer sin Gud og si sjæl!
Dei kastar sitt snöre og garn utpå fjord, og meiner at allting er vel!
Andre dei steller i flor og i löda, ideleg opptatt med maten og föda - -.
Laurdagskveld legg over vyrka sin glans, når ungdomen mötest til drykk og ti.
dans.

3.

Dei eldre sit steingjengne kvar i si krå, set radio på, med ein klikk - -.
På kyrkjeveg er dei so skjeldan å sjå, men höyrer på dansemusikk,
på visor og slikt som kan kleia i öyra. Eit ord ifrå Herren dei nödig vil
höyra.
Slik spiller dei nådens dyrverdige dag, på veg mot det evige själebedrag!

4.

Men höyr korleis frelsaren feller sin dom, i kjærleik og misskunn på jord:
Eit vitne frå H A N, etter nyttår her kom, fekk inngong med Bibelens ord.
Trass dagane var både kalde og gråe, og folki som samlast-frå fyrsten-var få
Gud gav oss ei signerik joletrefest. - - -
Kanhenda me minnest den samkoma best - -.

5.

Om mange dei glöymde dei ord som vart sagt, Den Heilage Ande var sterk!
Han virka på folk med Guddommeleg makt. Tok til med sitt frelsande verk!
Dei unge og eldre sat stridde og tenkte, so hjarto vart gripne og tårorne
blenkte -

Den fyrste som frelsaren vann, vart han Svein .
Seinare kom dei so, ein etter ein.

6.

I sanning: det vart oss ei underleg tid, med ljös over Golgata kross.
Guds ande og ord skapte vårlöysing blid, og Jesus vart større for oss.
I heim og på vegar, på möter og stemne, det "eine fornödne" vart samtaleemne - .
Ho Ragnhild - med fleire - vart strålande glad
når ungdom og eldre dei vitna og bad.

7.

Kor sælt å få leva, når vekking og vår gjer ende på vinternatts gru !
Når Jesus får lækja dei blödande sår. Og tvilen må vika for tru !
"Gud, hjelp du oss alle mot Himlen å vandre,
i kjærleik og truskap mot Deg og kvarandre !
Dei ufrelste må kje få levande fred,
men hjelp Du oss, Herre, å vinna dei med !"

Johs. M. L. Rydland.